



FAAILO TELEFONI FEAVEAI MO FAALAVELAVE FAAFUASEI



E ono maua se Faailo Telefoni Feaveai mo Faalavelave Faafuasei i lau telefoni feaveai pe afai e ogaoga se aafiaga e lamatia ai lou ola, soifua maloloina poo au meatotino.

O Faailo Telefoni Feaveai mo Faalavelave Faafuasei o se feau e lafo atu i lau telefoni feaveai mai se pulega aloaia. E te iloa lava i le leotele o le faailo.

O le a lau mea e fai pe a ou mauaina se Faailo Telefoni Feaveai mo Faalavelave Faafuasei?

Taofi loa au gaiogiga o loo fai ma mulimuli loa i faatonuga.

Faatoa faasalalau feau i Faailo Telefoni Feaveai mo Faalavelave Faafuasei:

- pe afai o iai se aafiaga ogaoga i le soifua, soifua maloloina poo meatotino; poo
- faaitaiga e faatasi pe faalua ona fai i le tausaga.

Ia e amanaia ma faatino gaiogiga ua tuuina atu, pe afai ua e maua se faailo.

E le o telefoni uma e mafai ona maua ai Faailo Telefoni Feaveai mo Faalavelave Faafuasei, afai e te maua se faailo, e tatau ona e faailoa atu i isi.

O le tele o telefoni na faatau i le tuana'i ai o le 2017 e tatau ona maua ai Faailo Telefoni Feaveai mo Faalavelave Faafuasei.

E moomia ona ou lesitala e maua ai Faailo Telefoni Feaveai mo Faalavelave Faafuasei?

E le moomia ona lesitala pe faaaoga se polokalame faapitoo i lau telefoni. E faatatau faailo i nofoaga ua aafia, ma e faatoa e mauaina faailo pe afai ua tupu se faalavelave faafuasei i le nofoaga o loo e iai.

E tatau ona e mauaina faailo pe afai o loo ola lau telefoni, ma e mafai ona maua faailo i lau telefoni ma o loo e iai i totonu o le nofoaga ua aafia.

O ai e mafai ona faasalalauina Faailo Telefoni Feaveai mo Faalavelave Faafuasei?

Na o pulega o loo taua i lalo e mafai ona latou faasalalauina Faailo Telefoni Feaveai mo Faalavelave Faafuasei:

- National Emergency Management Agency
- Civil Defence Emergency Management Groups
- NZ Police
- Fire and Emergency New Zealand
- Ministry of Health, ma le
- Ministry for Primary Industries.

E le suitulaga Faailo Telefoni Feaveai mo Faalavelave Faafuasei mo isi faasalalaua

O Faailo Telefoni Feaveai mo Faalavelave Faafuasei ua na o se faiga **faapoopo** mo lou saogalemu ma maua ai lapataiga i le taimi o faalavelave faafuasei. E le suitulaga faailo nei mo isi faiga tau faasalalaua mo lapataiga, poo gaiogiga e tatau ona fai e tusa ai ma lapataiga faalenatura ua masani ai.

AUALA E MAUA AI PEA FAAMATALAGA



TV



Leitio



Social Media



Initaneti




Faailo Telefoni Feaveai mo Faalavelave Faafuasei

E tatau pea ona e nofo sauni mo se faalavelave faafuasei, ma e le tatau ona faatali lau gaiogi i se faailo. Aua e te faatali mo se lapataiga aloaia, pe afai e te iloa ua lamatia lou soifua. Ia vave ona e gaiogi.

Faaavana se taimi e tapena ai a oe lava fuafuaga mo faalavelave faafuasei e aofia ai mea e tatau ona fai, nofoaga e te alu i ai, o tagata e mafai ona fesoasoani ia te oe, ma tagata e ono moomia ona e fesoasoani i ai. E mafai ona fai sau fuafuaga i luga o le initaneti i le getready.govt.nz.

E faapefea ona faaoga le Faailo Telefoni Feaveai mo Faalavelave Faafuasei?



1. E fuafua e le pulega aloaia le nofoaga ua aafia ma le faasalalauina o faailo.
2. O faailo o se faasalalaua mai pou telefoni lata ane i le nofoaga ua aafia.
3. E maua faailo i telefoni feaveai e mafai ona maua ai o loo i totonu o le nofoaga ua aafia.

E faapitoo lava le faailo e faaoga e le Faailo Telefoni Feaveai mo Faalavelave Faafuasei, ma e sili atu ona faatuatua i le taimi o se faalavelave faafuasei pe a pisi laina telefoni ma le initaneti.

E leai se afaina o le ituaiga kamupani telefoni o loo e faaaogaina. E mafai e soo se telefoni o loo maua i totonu o le nofoaga i le taimi tonu o faasalalaua ona maua le faailo.

E mafai ona ou taofia le maua o Faailo Telefoni Feaveai mo Faalavelave Faafuasei?

O le auga tonu o Faailo Telefoni Feaveai mo Faalavelave Faafuasei o lou saogalemu, ma e le mafai ona e taofia le mauaina o Faailo Telefoni Feaveai mo Faalavelave Faafuasei. E le o fuafuaina faailo tau lava mo nisi o ituaiga telefoni, peitai o se faasalalaua i totonu o nofoaga ua aafia ma ono lamatia. E le faaaogaina e Faailo Telefoni Feaveai mo Faalavelave Faafuasei le numera o lau telefoni feaveai pe faamau faamatalaga e uiga ia te oe.